

ЎЗБЕКИСТОН RESPUBLIKACASI MOЛИЯ BAZИPЛИГИ
ЎЗБЕКИСТОН RESPUBLIKACASI ИЧКИ ИШЛАР BAZИPЛИГИ
ЎЗБЕКИСТОН RESPUBLIKACASI МУДОФАА BAZИPЛИГИ
ЎЗБЕКИСТОН RESPUBLIKACASI ФАВҚУЛОДДА
BAZИЯТЛАР BAZИPЛИГИ
ЎЗБЕКИСТОН RESPUBLIKACASI МИЛЛИЙ
ХАВФСИЗЛИК ХИЗМАТИ
ЎЗБЕКИСТОН RESPUBLIKACASI ДАВЛАТ БОЖХОНА
ҚЎМИТАСИНИНГ
ҚАРОРИ

183 Ишловчи пенсионерларга пенсия тўлаш тартиби тўғрисидаги низомни тасдиқлаш ҳақида

*Ўзбекистон Республикаси Адлия вазирлиги томонидан 2011 йил
30 апрелда рўйхатдан ўтказилди, рўйхат рақами 2222*

(2011 йил 10 майдан кучга киради)

Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни (Ўзбекистон Республикаси Олий Кенгашининг Ахборотномаси, 1993 й., 9-сон, 338-модда), Ўзбекистон Республикаси Президентининг 1995 йил 20 ноябрдаги ПФ–1289-сон «Ишловчи пенсионерларга пенсия тўлаш тўғрисида»ги (Ўзбекистон Республикаси Олий Мажлисининг Ахборотномаси, 1995 й., 10-11-сон, 239-модда), 1998 йил 23 апрелдаги ПФ–1990-сон «Фуқароларнинг ўзини ўзи бошқариш органларини қўллаб-қувватлаш тўғрисида»ги (Ўзбекистон Республикаси Олий Мажлисининг Ахборотномаси, 1998 й., 4-сон, 65-модда), 2004 йил 7 декабрдаги ПФ–3521-сон «Фуқароларнинг ўзини ўзи бошқариш органларида диний маърифат ва маънавий-ахлоқий тарбия масалалари бўйича маслаҳатчи лавозимларида ишловчи аёлларни ижтимоий муҳофаза қилишни кучайтириш бора-сидаги қўшимча чора-тадбирлар тўғрисида»ги (Ўзбекистон Республикаси қонун ҳужжатлари тўплами, 2004 й., 48-49-сон, 493-модда), 2009 йил 30 декабрдаги ПФ–4161-сон «Фуқароларнинг пенсия таъминоти тизимини янада такомиллаштириш чора-тадбирлари тўғрисида»ги (Ўзбекистон Республикаси қонун ҳужжатлари тўплами, 2009 й., 52-сон, 559-модда) фармонларига ҳамда Ўзбекистон Республикаси Президентининг 2009 йил 30 декабрдаги ПҚ–1252-сон «Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг ташкилий тузилмасини шакллантириш чора-тадбирлари тўғрисида»ги (Ўзбекистон Республикаси қонун ҳужжатлари тўплами, 2009 й., 52-сон, 563-модда) қарорига мувофиқ Ўзбекистон Республикаси Молия вазирлиги, Ички ишлар вазирлиги, Мудофаа вазирлиги, Фавқулодда вазиятлар вазирлиги, Миллий хавфсизлик хизмати ҳамда Давлат божхона қўмитаси **қарор қиладилар:**

1. Ишловчи пенсионерларга пенсия тўлаш тартиби тўғрисидаги низом иловага мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Молия вазири

Тошкент ш.,
2011 йил 30 март,
27-сон

Р. АЗИМОВ**Ички ишлар вазири**

Тошкент ш.,
2011 йил 30 март,
26-сон

Б. МАТЛЮБОВ**Мудофаа вазири**

Тошкент ш.,
2011 йил 30 март,
2-сон

К. БЕРДИЕВ**Фавқулодда
вазиятлар вазири**

Тошкент ш.,
2011 йил 30 март,
84-сон

Т. ХУДАЙБЕРГАНОВ**Миллий хавфсизлик
хизмати раиси**

Тошкент ш.,
2011 йил 30 март,
126-сон

Р. ИНОЯТОВ**Давлат божхона
қўмитаси раиси**

Тошкент ш.,
2011 йил 30 март,
01-02/5-31-сон

З. ДУСАНОВ

Ўзбекистон Республикаси
Молия вазирлиги, Ички ишлар вазирлиги,
Мудофаа вазирлиги, Фавқулодда вазиятлар
вазирлиги, Миллий хавфсизлик хизмати ва
Давлат божхона қўмитасининг 2011 йил
30 мартдаги 27, 26, 2, 84, 126,
01-02/5-31-сонли қарорига
ИЛОВА

Ишловчи пенсионерларга пенсия тўлаш тартиби тўғрисидаги НИЗОМ

I. Умумий қоидалар

1. Мазкур Низом Ўзбекистон Республикасининг «Фуқароларнинг давлат пенсия таъминоти тўғрисида»ги Қонуни (Ўзбекистон Республикаси Олий Кенгашининг Ахборотномаси, 1993 й., 9-сон, 338-модда), Ўзбекистон Республикаси Президентининг 1995 йил 20 ноябрдаги ПФ–1289-сон «Ишлаётган пенсионерларга пенсия тўлаш тўғрисида»ги (Ўзбекистон Республикаси Олий Мажлисининг Ахборотномаси, 1995 й., 10-11-сон, 239-модда), 1998 йил 23 апрелдаги ПФ–1990-сон «Фуқароларнинг ўзини ўзи бошқариш органларини қўллаб-қувватлаш тўғрисида»ги (Ўзбекистон Республикаси Олий Мажлисининг Ахборотномаси, 1998 й., 4-сон, 65-модда), 2004 йил 7 декабрдаги ПФ–3521-сон «Фуқароларнинг ўзини ўзи бошқариш органларида диний маърифат ва маънавий-ахлоқий тарбия масалалари бўйича маслаҳатчи лавозимларида ишловчи аёлларни ижтимоий муҳофаза қилишни кучайтириш борасидаги қўшимча чора-тадбирлар тўғрисида»ги (Ўзбекистон Республикаси қонун ҳужжатлари тўплами, 2004 й., 48-49-сон, 493-модда), 2009 йил 30 декабрдаги ПФ–4161-сон «Фуқароларнинг пенсия таъминоти тизимини янада такомиллаштириш чора-тадбирлари тўғрисида»ги (Ўзбекистон Республикаси қонун ҳужжатлари тўплами, 2009 й., 52-сон, 559-модда) фармонларига ҳамда Ўзбекистон Республикаси Президентининг 2009 йил 30 декабрдаги ПҚ–1252-сон «Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг ташкилий тузилмасини шакллантириш чора-тадбирлари тўғрисида»ги (Ўзбекистон Республикаси қонун ҳужжатлари тўплами, 2009 й., 52-сон, 563-модда) қарорига мувофиқ Ўзбекистон Республикасида ишловчи пенсионерларга пенсия тўлаш тартибини белгилайди.

2. Қуйидаги тоифадаги ишловчи пенсионерларга пенсиялар тўлиқ миқдорда (100 фоиз) тўланади:

а) Иккинчи жаҳон уруши ногиронларига, қатнашчиларига ва уларга тенглаштирилган шахсларга. Уруш ногиронларига ва қатнашчиларига тенглаштирилган шахслар рўйхати Ўзбекистон Республикаси Вазирлар Маҳкамасининг 1994 йил 11 майдаги 249-сон «Фуқароларнинг давлат пенсия таъминоти тўғрисида»ги Ўзбекистон Республикасининг Қонунини рўёбга чиқариш

учун зарур бўлган норматив ҳужжатларни тасдиқлаш ҳақида»ги қарорининг 2 ва 3-иловаларида белгилаб берилган;

б) Иккинчи жаҳон уруши йилларида ҳарбий хизматни ўтаган ёки фронт орқасида ишлаган шахслар;

в) I ва II гуруҳ ногиронлари;

г) Чернобиль ҳалокатидан зиён кўрган фуқаролар. Чернобиль ҳалокатидан зиён кўрган фуқаролар доираси Ўзбекистон Республикаси Олий Кенгаши раёсати ва Ўзбекистон Республикаси Президенти ҳузуридаги Вазирлар Маҳкамасининг 1992 йил 6 апрелдаги 170-сонли «Чернобиль ҳалокатидан зиён кўрган Ўзбекистон Республикасида истиқомат қилувчи фуқароларни ижтимоий ҳимоялаш ҳақида»ги қарорида белгиланган.

д) фуқаролар йиғинлари ва маҳаллаларнинг раисларига;

е) фуқароларнинг ўзини ўзи бошқариш органларида диний маърифат ва маънавий-ахлоқий тарбия бўйича маслаҳатчи лавозимларида ишловчи пенсионер аёлларга — ёшга доир пенсияни олганда.

Қолган барча ишловчи пенсионерларга уларга тайинланган пенсиянинг 50 фоиз миқдорида пенсиялар тўланади.

II. Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг туман (шаҳар) бўлимларида рўйхатда турувчи ишловчи пенсионерларга пенсия тўлаш тартиби

3. Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасининг туман (шаҳар) бўлимларида (кейинги ўринларда — Пенсия жамғармасининг туман (шаҳар) бўлими) рўйхатда турувчи ҳамда ташкилотларда ишловчи пенсионерларга пенсиялар иш жойидан Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси ҳисобидан амалга оширилади.

4. Ўриндошлик асосида ишловчи пенсионерларга, пенсия асосий иш жойидан тўланади.

5. Иш жойидан пенсия тўлови ўтган ой учун ойлик иш ҳақининг иккинчи қисми тўловлари билан бир вақтда амалга оширилади. Пенсиялар алоҳида ведомостлар орқали тўланади.

6. Боқувчисини йўқотганлик пенсиясини ўзига олувчи шахслар ишга қабул қилинганда, уларга пенсия иш жойидан 50 фоиз миқдорида амалга оширилади.

Бошқа оила аъзоларига (васийликка олинганларга) боқувчисини йўқотганлик пенсияси олувчи ишловчи фуқароларга (васийларга) пенсиялар, уларнинг яшаш жойидан тўлиқ миқдорда тўланади.

7. Хусусий (якка тартибда) тадбиркорлик билан шуғулланувчи ҳамда деҳқон хўжаликларида ишловчи пенсионерларга, пенсиялар уларнинг яшаш жойидаги Пенсия жамғармасининг туман (шаҳар) бўлимлари томонидан 50 фоиз миқдорида тўланади (пенсияларини тўлиқ миқдорда олиш ҳуқуқига эга пенсионерлардан ташқари).

8. Мехнат шартномасининг (контракт) шартлари ва муддатидан қатъи назар, ишга кирганда, пенсия тўловлари қуйидаги ҳолларда тўлиқ тўхтатилади:

а) Ўзбекистон Республикаси «Фуқароларнинг давлат пенсия таъминоти тўғрисида»ги Қонунининг 14-моддасига асосан, ходимлар сони (штати) қисқарганлиги ёки ташкилотнинг тугатилиши муносабати билан ишдан озод этилиб муддатидан олдин пенсия тайинланган ишсизлар пенсия ёшига (эркаклар — 60 ёш, аёллар — 55 ёш) тўлгунга қадар ишга қабул қилинганда;

б) 1994 йил 1 июлгача (яъни, Ўзбекистон Республикаси «Фуқароларнинг давлат пенсия таъминоти тўғрисида»ги Қонунининг кучга киргунига қадар) белгили муддат хизмат қилгани учун пенсиялар тайинланган шахслар, ёшга доир имтиёзли ёхуд умумий тартибда пенсия олиш ҳуқуқига эгаллик қилишдан олдин ишга қабул қилинганда.

9. Пенсия тўловининг иш жойи орқали амалга оширилиши учун пенсионернинг яшаш жойидаги Пенсия жамғармасининг туман (шаҳар) бўлимлари томонидан бериладиган Ф-25 (мазкур Низомга илова) топшириқнома асос бўлиб ҳисобланади.

10. Ф-25 топшириқномаси (кейинги ўринларда — топшириқнома) қатъий ҳисобот варақаси ҳисобланиб, уни рўйхатга олишда пенсионернинг (пенсия ишининг) шахсий ҳисобварақаси рақами кўрсатилади.

11. Пенсия жамғармасининг туман (шаҳар) бўлимлари топшириқномада қуйидаги маълумотларни акс эттиради:

а) вилоят, шаҳар, туман, топшириқномани жўнатувчи Пенсия жамғармаси бўлимининг номи ҳамда ташкилотнинг номи ва манзили;

б) пенсионернинг фамилияси, исми, отасининг исми ва оладиган пенсия тури;

в) пенсия миқдори;

г) иш жойидан пенсия тўловининг амалга оширилиши зарур бўлган санаси.

Топшириқнома Пенсия жамғармасининг туман (шаҳар) бўлим бошлиғи ва бош ҳисобчиси имзоси билан тасдиқланиб, махсус дафтарда рўйхатдан ўтказилади ва ташкилот вакили ёки пенсионер тасдиғи билан берилади.

Топшириқноманинг қолган графалари пенсионер ишлайдиган ташкилотнинг ижтимоий суғурта бўйича комиссияси ва маъмурияти томонидан тўлдирилади.

12. Қайта ҳисоблаш натижасида пенсия миқдори ўзгарганда, Пенсия жамғармасининг туман (шаҳар) бўлими топшириқноманинг орқа тарафига янги пенсия миқдори бўйича белги киритади.

13. Пенсиянинг бир туридан бошқа турига ўтишда ҳамда пенсия тўлови шартлари ўзгарганда (масалан, ногиронлик гуруҳи ўзгариши билан боғлиқ), ташкилот Пенсия жамғармасининг туман (шаҳар) бўлимига олдинги топшириқнома учун хабарнома йўлайди. Кўрсатилган хабарнома етиб келгандан сўнг, Пенсия жамғармасининг туман (шаҳар) бўлими иш жойидан пенсия тўловини амалга оширишга янги топшириқнома тақдим қилади.

14. Пенсионер ишдан озод қилинганда ташкилот пенсия тўловини тўхта-

тади ва Пенсия жамғармасининг туман (шаҳар) бўлимига қайси даврга пенсия тўлови амалга оширилганлигини кўрсатган ҳолда топшириқномага хабарнома йўллайди. Пенсия қайтадан ишга қабул қилинганда янги топшириқнома тақдим қилинади.

15. Пенсия жамғармасининг туман (шаҳар) бўлими пенсионернинг шахсий ҳисобварақасига янги топшириқнома берилганлиги ва олдинги топшириқномага хабарнома келиб тушганлиги тўғрисида белги киритади.

16. Пенсия жамғармасининг туман (шаҳар) бўлимига пенсионер яшаш жойидан пенсиясини олганидан сўнг мазкур ойда ишга қабул қилинганлиги маълум бўлган ҳолларда, иш жойидан пенсия тўловини амалга ошириш учун келгуси ойнинг 1-санасидан бошлаб, ундиришга қўйилган ортиқча миқдори кўрсатган ҳолда, янги топшириқнома ёзилади.

Агар, пенсионернинг ишга қабул қилинганлиги жорий ой учун пенсия тўловини олгунга қадар маълум бўлса, пенсия Пенсия жамғармасининг туман (шаҳар) бўлими томонидан ишга қабул қилинган кунига қадар тўланади.

17. Меҳнат шартномаси бекор қилинганда, пенсионер, яшаш жойидаги Пенсия жамғармасининг туман (шаҳар) бўлимига ишдан бўшаганлик тўғрисидаги буйруқ тартиб рақами ва санасини кўрсатган ҳолда топшириқномага хабарномани ҳамда ишдан бўшаганлик тўғрисида буйруқ кўчирмасини тақдим этади.

Пенсия жамғармасининг туман (шаҳар) бўлимлари тегишли ҳужжатларни қабул қилади ва кирувчи хатлар учун ўрнатилган тартибда рўйхатдан ўтказилади. Ишдан бўшаганлик тўғрисидаги буйруқ кўчирмаси ва топшириқномага хабарнома пенсия ишига тикилади.

18. Ягона ижтимоий тўловни ҳамда давлат ижтимоий суғуртасига мажбурий бадаллар ва ажратмаларни ҳисоблаш, тўлаш ва тақсимлаш тўғрисидаги низомнинг (рўйхат рақами 1333, 2004 йил 6 апрель) (Ўзбекистон Республикаси қонун ҳужжатлари тўплами, 2010 йил, 14-сон, 172-модда) 11-сон иловасига мувофиқ ишловчи пенсионерларнинг пенсия тўлов харажатлари ҳисоботида акс эттирилади.

19. Ишловчи пенсионерларнинг пенсия тўловининг ўз вақтида ва тўғри амалга оширилиши ҳамда Пенсия жамғармасининг туман (шаҳар) бўлимларига ишга қабул қилинганлик ва ишдан озод этилганлик тўғрисидаги маълумотнинг ўз вақтида ва ишонарли тақдим этилиши бўйича жавобгарликни қонунчиликда ўрнатилган тартибда ташкилот раҳбарлари зиммасига юкланади.

20. Маъмурият ва ишловчи пенсионер ўртасидаги пенсия тўловлари билан боғлиқ низоларни ҳал қилиш ижтимоий суғурта комиссияси томонидан амалга оширилади.

III. Ўзбекистон Республикаси мудофаа, ички ишлар, фавқулодда вазиятлар вазирликларида, Миллий хавфсизлик хизматида ва Давлат божхона қўмитасида ҳисобда турувчи ишловчи пенсионерларнинг пенсияларини тўлаш тартиби

21. Ўзбекистон Республикаси мудофаа, фавқулодда вазиятлар вазирлик-

ларида ҳамда Миллий хавфсизлик хизматида ҳисобда турувчи ишловчи пенсионерларнинг пенсиялари, пенсионернинг ҳақиқатда яшаш жойидаги Ўзбекистон Республикаси Халқ банки филиаллари томонидан тўлаб берилади.

Ўзбекистон Республикаси Ички ишлар вазирлигида ҳамда Давлат божхона қўмитасида ҳисобда турувчи ишловчи пенсионерларнинг пенсиялари, пенсионернинг ҳақиқатда яшаш жойидаги ички ишлар ҳамда божхона хизмати органлари томонидан тўлаб берилади.

Пенсиялар республика бюджети маблағлари ҳисобидан тўланади.

22. Боқувчисини йўқотганлик пенсиясини олувчи шахслар ишга қабул қилинган тақдирда пенсия 50 фоиз миқдорда тўланади.

Бошқа оила аъзоларига (васийликка олинганларга) боқувчисини йўқотганлик пенсияси олувчи ишловчи фуқароларга (васийларга) пенсиялар, уларнинг яшаш жойидан тўлиқ миқдорда тўланади.

23. Хусусий (якка) тадбиркорлик билан шуғулланувчи ҳамда деҳқон хўжаликларида ишловчи пенсионерлар ўзининг меҳнат фаолияти тўғрисида уларга пенсия тайинлаган идораларга маълум қилишлари шарт.

IV. Яқуний қоидалар

24. Пенсионер тўлиқ ёки тўлиқсиз иш кунида банд бўлишидан қатъи назар, пенсия 50 фоиз миқдорда тўланади.

25. Ўзбекистон Республикаси ташқарисида ишлаётган пенсионерларга пенсиялар мазкур Низомга асосан ўрнатилган миқдорда уларнинг яшаш жойида тўланиши амалга оширилади.

26. Тўлиқсиз ой учун пенсияни тўлашда (ишга қабул қилинган ёки ишдан озод қилинган бўлса) тўланадиган пенсия миқдори қуйидагича аниқланади:

Мисол. 2010 йил 15 мартда ёшга доир пенсия олувчи ишламайдиган пенсионер ишга қабул қилинди. Ҳар ойлик пенсия миқдори 180800 сўм 00 тийинни ташкил қилади. 2010 йил 1 дан 14 мартгача бўлган давр учун пенсия 100 фоиз миқдорда ($180800 : 31 \times 14 = 81651$ сўм 61 тийин), 15 дан 31 мартгача бўлган давр учун 50 фоиз миқдорда ($180800 : 31 \times 17/2 = 49574$ сўм 61 тийин) тўланади. 2010 йил март ойи учун пенсия тўлови миқдори 131225 сўм 80 тийинни (81651 сўм 61 тийин + 49574 сўм 19 тийин) ташкил қилади.

27. Ташкилот раҳбарлари пенсионер ишга қабул қилинганда, пенсионернинг яшаш жойидаги Пенсия жамғармасининг туман (шаҳар) бўлимига ҳамда пенсия тайинлаган Ўзбекистон Республикаси мудофаа, ички ишлар, фавқулудда вазиятлар вазирликларига, Миллий хавфсизлик хизмати ва Давлат божхона қўмитасига 5 кунлик муддатда хабар беришлари ва ишга қабул қилинганлик тўғрисида буйруқ кўчирмасини тақдим этишлари шарт.

28. Пенсионер (оиланинг бошқа аъзолари учун боқувчисини йўқотганлик пенсиясини олувчидан ташқари) ишга қабул қилинганда тегишли пенсия тайинлаган идорага (ўзининг яшаш жойидан) хабар бериши шарт.

29. Ишловчи пенсионерларнинг пенсия тўловлари учун ташкилотларга ажратилган Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси маблағларининг мақсадли сарфланиши устидан назоратни Ўзбекистон Республикаси Молия вазирлиги Назорат-тафтиш бош бошқармаси ва унинг ҳудудий бошқармалари ҳамда давлат солиқ хизмати органлари олиб боради.

30. Ишловчи пенсионерларга пенсия тўловини амалга оширувчи ташкилотлар Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси маблағларини ўз вақтида ва мақсадли тўланиш жавобгарлигини ўз зиммасига олади.

31. Ишловчи пенсионерларнинг пенсия тўловларини амалга оширишда Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси маблағларининг тўғри ҳисобланиши, тўланиши ва сарфланиши устидан назорат, ташкилотларнинг раҳбарлари ва бош ҳисобчилари томонидан амалга оширилади.

Ишловчи пенсионерларга пенсия тўлаш
тартиби тўғрисидаги низомга
ИЛОВА

Ўнги

Ф-25 шакл



АА-000001

Ишловчи пенсионерлар учун

Иш жойидан пенсия тўлаш учун
20__ йил _____ даги _____ -сонли

ТОПШИРИҚНОМА

(ташкилот номи ва СТИР)

Ўзбекистон Республикаси Молия вазирлиги ҳузуридаги бюджетдан ташқари Пенсия жамғармаси _____ (Республикаси, вилояти, шаҳар) _____ туман (шаҳар) бўлими шуни маълум қиладики, сизнинг ташкилотингизда ишлаётган пенсионер _____ (Ф.И.Ш.) _____ сўм _____ тийин миқдорида ёшга доир, ногиронлик, боқувчисини йўқотганлик пенсияси олади. (кераклиснинг тагига чизинг).

Шу муносабат билан Ўзбекистон Республикасининг «Фуқароларнинг давлат пенсия таъминоти тўғрисида»ги Қонунининг _____-моддасида кўзда тутилган, ёки _____ (бошқа норматив-ҳуқуқий ҳужжат кўрсатилсин) пенсия тўлаш шартларини қўллаб, ижтимоий суғурта бадалли ҳисобидан 20__ й. «___» _____дан 20__ й. «___» _____гача ёки ишдан бўшатишгунга қадар (кераклисининг тагига чизинг) пенсия ҳар ойда _____ сўм _____ тийин (_____) миқдорида тўланиши керак.

(сўз билан ёзилсин)

М.Ў

Бўлим бошлиғи _____

Бош ҳисобчи _____

20__ йил «___» _____ да 20__ йил «___» _____ даги _____-сонли топшириқнома ҳисобга олинди.

Ўзбекистон Республикасининг «Фуқароларнинг давлат пенсия таъминоти тўғрисида»ги Қонунининг _____-моддасига мувофиқ, ёки _____ (бошқа норматив-ҳуқуқий ҳужжат кўрсатилсин) _____га (Ф.И.Ш.) пенсия 20__ йил «___» _____дан тўлансин.

Корхона раҳбари _____

Ижтимоий суғурта комиссияси вакили _____

20__ йил «___» _____ даги _____-сонли топшириқномага хабар Молия вазирлиги ҳузуридаги бюджетдан ташқари Пенсия жамғармаси _____ (Республикаси, вилояти, шаҳар) _____ туман (шаҳар) бўлимига 20__ йил «___» _____да юборилди.

Бош ҳисобчи _____

Қирқиш чизиғи _____

20__ йил «___» _____ даги _____-сонли ТОПШИРИҚНОМАГА 20__ йил «___» _____ даги ХАБАРНОМА

(ташкилот номи)

шунини маълум қиладики, пенсия олувчи (Ф.И.Ш.) _____

20__ йил «__» _____га қадар пенсия олган. Пенсия тўлаш 20__ йил «__» _____дан, 20__ йил «__» _____даги, _____сонли буйруққа асосан ишдан бўшаганлиги сабабли, бошқа сабабга кўра _____тўхтатилди.

_____сонли шахсий ҳисоб Бош ҳисобчи _____

М.Ў.

Корхона раҳбари _____
20__ йил «__» _____дан ҳисобдан
чиқарилди.

AA-000001

Орқа томони

Ўзбекистон Республикаси Президентининг 20__ йил «__» _____даги _____сонли Фармониға мувофиқ _____
(Ф.И.Ш.) нинг пенсияси 20__ йил «__» _____дан 20__ йил «__» _____гача _____сўм _____тийин
(_____микдорида тўлансин.

(сўз билан ёзилсин)

М.Ў

Молия вазирлиги ҳузуридаги бюджетдан
ташқари Пенсия жамғармаси
туман (шаҳар) бўлими бошлиғи _____

Бош ҳисобчи _____

Ўзбекистон Республикаси Президентининг 20__ йил «__» _____даги _____сонли Фармониға мувофиқ _____
(Ф.И.Ш.) нинг пенсияси 20__ йил «__» _____дан 20__ йил «__» _____гача _____сўм _____тийин
(_____микдорида тўлансин.

(сўз билан ёзилсин)

М.Ў

Молия вазирлиги ҳузуридаги бюджетдан
ташқари Пенсия жамғармаси
туман (шаҳар) бўлими бошлиғи _____

Бош ҳисобчи _____

Ўзбекистон Республикаси Президентининг 20__ йил «__» _____даги
 __-сонли Фармонига мувофиқ _____
 (Ф.И.Ш.) нинг пенсияси 20__ йил «__» _____дан 20__ йил
 «__» _____гача _____сўм _____тийин
 (_____) миқдорида тўлансин.

(сўз билан ёзилсин)

М.Ў

Молия вазирлиги ҳузуридаги бюджетдан
 ташқари Пенсия жамғармаси
 туман (шаҳар) бўлими бошлиғи _____

Бош ҳисобчи _____

Ўзбекистон Республикаси Президентининг 20__ йил «__» _____даги
 __-сонли Фармонига мувофиқ _____
 (Ф.И.Ш.) нинг пенсияси 20__ йил «__» _____дан 20__ йил
 «__» _____гача _____сўм _____тийин
 (_____) миқдорида тўлансин.

(сўз билан ёзилсин)

М.Ў

Молия вазирлиги ҳузуридаги бюджетдан
 ташқари Пенсия жамғармаси
 туман (шаҳар) бўлими бошлиғи _____

Бош ҳисобчи _____